



# Mga Bakuna sa COVID-19

## Ano ang Kailangang Malaman ng mga Magulang

### ANG MGA BAKUNA AY PUMOPROTEKTA MULA SA PINAKAMALUBHANG RESULTA NG COVID.

- Bagaman ang COVID-19 ay karaniwang mas banayad sa mga bata, kahit na mga malulusog na bata ay maaaring magkaroon ng malubhang sakit, mahospital, o mamatay mula sa COVID-19. Ang mga bata ay maaari ring magkaroon ng pangmatagalang mga problema sa kalusugang pangkaisipan at pisikal mula sa COVID-19 (tinatawag na mahabang COVID).
- Ang bakuna sa COVID-19 ay nakakapagpababa ng panganib na magkaroon ng napakalubhang sakit mula sa COVID-19. Nakakapagpababa rin ito sa panganib na makakuha ng mahabang COVID.
- Ang lahat ng mga bakuna sa COVID-19 ng Pfizer at Moderna ay binagong (bivalent) mga bakuna. Nangangahulugan ito na sila ay binago para protektahan laban sa mas bagong uri ng virus.



### ANG MGA BINAGONG BAKUNA NG COVID-19 AY INIREREKOMENDA PARA SA LAHAT NG MGA BATA NA EDAD 6 PATAAS

#### • Mga batang 6 na taong gulang pataas na:

- **Nakakuha na ng isang dosis ng binagong bakuna ay napapanahon na.** Kung sila ay may nakompromisong imyunidad, maaari silang kumuha ng karagdagang dosis.
- **Ang hindi pa nababakunahan o hindi pa nakakakuha ng binagong dosis ay dapat kumuha ng isang dosis.**

#### • Mga batang 6 na buwan hanggang 5 taong gulang ay maaaring mangailangan ng maramihang dosis para mapanahon, kabilang ang hindi bababa sa binagong dosis. Ang bilang ng mga dosis ay depende sa kanilang edad, at kung anong (mga) bakuna ang nakuha na nila. Para sa mas marami pang impormasyon, makipag-usap sa kanilang doktor o bisitahin ang [cdc.gov/coronavirus/vaccine](https://www.cdc.gov/coronavirus/vaccine).

- Ang mga bata na nagkaroon na ng impeksyon sa COVID ay dapat pa ring magpabakuna.
- Ang mag bakuna sa COVID-19 ay maaaring ibigay kasabay ng iba pang regular na mga bakuna sa pagkabata.

### PAANO MAKAKAKUHA NG BAKUNA

- Bisitahin ang [ph.lacounty.gov/paanomagpabakuna](https://ph.lacounty.gov/paanomagpabakuna) para makakita ng lugar na malapit sa iyo. Siguraduhin na mayroon silang tamang bakuna para sa edad ng iyong anak at tanungin ang tugkol sa **magulang/tagapag-alagang pahintulot**. Karamihan sa mga parmasyutiko ay hindi pwedeng magbigay ng bakuna sa mga batang mas mababa sa 3 taong gulang.
- Tumawag sa Sentro ng Tawagan ng Bakuna ng DPH sa **1-833-540-0473** o **2-1-1** kung kailangan mo ng tulong makahanap ng bakuna, transportasyon, o pagpapabakuna sa bahay.
- Ang mga bakuna ay libre para sa lahat. Hindi mo kailangan ng seguro at hindi ka tatanungin tungkol sa katayuan mo sa imigrasyon.





# Mga Bakuna sa COVID-19

## Ano ang Kailangang Malaman ng mga Magulang




### MGA EPEKTO NG BAKUNA

- Ang iyong anak ay maaring mayroong epekto katulad ng nakikita sa mga regular na mga bakunang pambata. Pangkaraniwan silang **banayad at mawawala** sa loob ng ilang araw. Ang ilang mga bata ay hindi nagkakaroon ng mga epekto.
- Ang mga pangkaraniwang epekto ay kinabibilangan ng kirot, pamamaga, o pamumula sa braso o hita kung saan binakunahan, pananakit ng kalamnan o kasukasuan, pamamaga ng kulani, lagnat, giniginaw, sakit ng ulo, pagkamayamutin o naiyak, nakakaramdam ng pagkapagod, laging inaantok, at nawawalan ng gana.

Ang dosis ng bakuna sa COVID-19 ay batay sa edad ng inyong anak, hindi sa laki or sa bigat. Ang mga batang 12 taong gulang pataas ay binibigyan din ng parehong dosis ng bakuna ng kapareho ng sa mga matatanda.



### KALIGTASAN NG BAKUNA



- **Ang mga bakuna sa COVID-19 ay ligtas para sa mga bata.** Bago irekomenda ang mga bakuna sa COVID-19 para sa mga bata, ginawa ang mga klinikang pagsubok sa libo-libong mga bata para suriin ang kaligtasan ng mga bakuna at paano sila gumana. Simula noon, sampu-sampung milyon mga bata sa Amerika ay nabakunahan na.
- Ang mga bakuna sa COVID-19 vaccines ay dumaan – at patuloy na dadaan – sa **pinakamatinding pagsubaybay sa kaligtasan** sa kasaysayan ng Amerika.
- Ang mga bihirang kaso ng myocarditis (pamamaga ng kalamnan ng puso) at pericarditis (pamamaga ng panlabas na balat ng puso) ay naiulat na sa mga bata pagkatapos mabakunahan ng bakuna sa COVID-19, karamihan ay mga batang lalaki na 12 taong gulang pataas. Gayunpaman, ang mga panganib sa puso mula sa bakuna sa COVID-19 ay mas mababa kaysa sa makukuha mula sa impeksyon ng COVID-19.
- Ang inyong anak **ay hindi makakakuha ng COVID-19** mula sa bakuna sa COVID-19.
- Walang ebidensya na ang mga bakuna sa COVID-19 ay makakaapekto sa pagdadalaga/pagbibinata o pertilidad.

Para sa mas marami pang detalye, bisitahin ang [cdc.gov/coronavirus/vaccine](https://www.cdc.gov/coronavirus/vaccine).